



Seancës Plenare



REPUBLIKA E SHQIPËRISË  
KUVENDI  
KËSHILLI PËR LEGJISLACIONIN

Nr. 1191/prot  
3

Tiranë, më 31.7.2024

**Lënda:** Dërgim i raportit të Këshillit për Legjislacionin dhe i nismës ligjvënëse.

**Znj. Elisa SPIROPALI**  
**KRYETARE E KUVENDIT**

E nderuar znj. Kryetare,

Bazuar në nenin 87, pikat 3 dhe 5, të Rregullores së Kuvendit të Republikës së Shqipërisë, Këshilli për Legjislacionin ju paraqet raportin në lidhje me shqyrtimin dhe vlerësimin e vendimeve nr.62/2023, 69/2023, 1/2024 dhe 20/2024 të Gjykatës Kushtetuese, si dhe projektligjin e propozuar në zbatim të vendimit nr.1/2024 të Gjykatës Kushtetuese "Për një shtesë dhe disa ndryshime në ligjin nr.60/2023 "Për trajtimin e veçantë të studentëve që ndjekin programin e integruar të studimit të ciklit të dytë "Mjekësi e Përgjithshme" në institucionet publike të arsimit të lartë" së bashku me relacionin shoqërues.

**KRYESUESE E RADHËS SË KËSHILLIT TË LEGJISLACIONIT**

**DHURATA ÇUPI (TYLI)**



REPUBLIKA E SHQIPËRISË  
KUVENDI

PROJEKTLIGJ

Nr. \_\_\_\_\_, datë \_\_\_\_\_ 2024

PËR NJË SHITESË DHE DISA NDRYSHIME NË LIGJIN NR. 60/2023  
“PËR TRAJTIMIN E VEÇANTË TË STUDENTËVE QË NDJEKIN PROGRAMIN  
E INTEGRUAR TË STUDIMIT TË CIKLIT TË DYTË “MJEKËSI E PËRGJITHSHME”  
NË INSTITUCIONET PUBLIKE TË ARSIMIT TË LARTË”

Në mbështetje të neneve 78, 81, pika 1, dhe 83 të Kushtetutës, me propozimin e një grupi deputetësh,

KUVENDI

I REPUBLIKËS SË SHQIPËRISË

VENDOSI:

Në ligjin nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e Përgjithshme” në institucionet publike të arsimit të lartë” bëhen shtesa dhe ndryshimet si më poshtë:

**Neni 1**

Në nenin 1 pas fjalëve “për trajtimin e studentëve” shtohen fjalët “shtetas shqiptar”.

**Neni 2**

Në nenin 4 bëhen ndryshimet si më poshtë:

- Në pikën 1 shkronja “b” fjalët “5 (pesë) vjet” zëvendësohen me fjalët “3 (tre) vjet”.
- Në pikën 1 shkronja “c” fjalët “5-vjeçar” zëvendësohen me fjalët “3-vjeçar”.
- Në pikën 2 shkronja “a” fjalët “3 (tre) vjet” zëvendësohen me fjalët “2 (dy) vjet”.
- Në pikën 2 shkronja “b” fjalët “3-vjeçar” zëvendësohen me “2-vjeçar”.
- Në pikën 3 shkronja “a” fjalët “2 (dy) vjet” zëvendësohen me fjalët “1 (një) vit”.
- Në pikën 3 shkronja “b” fjalët “2-vjeçar” zëvendësohen me fjalët “1-vjeçar”.



### Neni 3

Neni 6 ndryshohet si më poshtë:

### “Neni 6

#### Punësimi

1. Për studentin që përfundon programin e integruar të studimit të ciklit të dytë “Mjekësi e përgjithshme” në institucionet publike të arsimit të lartë dhe ka nënshkruar marrëveshje sipas përcaktimeve të këtij ligji, në momentin e lindjes së të drejtës për punësimin e tij ndiqen procedurat e mëposhtme:

a) punësohet në institucionet shëndetësore sipas nevojave për mjekë të shpallura nga ministria përgjegjëse për shëndetësinë dhe përzgjedhja e vendeve të punës bëhet nga mjeku i licencuar, në bazë të renditjes sipas notës mesatare të përfundimit të studimeve;

b) koha e kryerjes së procedurës për punësimin e mjekut nga ministria përgjegjëse për shëndetësinë është brenda 3 (tre) muajve nga momenti i lindjes së të drejtës për punësim.

2. Në rastet kur punësimi nuk realizohet brenda 3 (tre) muajve, për shkaqe që nuk varen nga mjeku, deri në krijimin e mundësisë për punësim në institucionet shëndetësore publike, për një periudhë deri në 9 (nëntë) muaj, mjeku i lind e drejta të trajtohet me 80% të pagës së mjekut të përgjithshëm në kujdesin parësor, për një periudhë jo më të gjatë se ky afat, ose të zgjedhë të punësohet në institucionet shëndetësore jo publike në vend, duke njoftuar ministrinë përgjegjëse për shëndetësinë, si dhe duke ruajtur të drejtën për punësim prioritar brenda periudhës 9 (nëntë) mujore në institucionet shëndetësore publike.

3. Periudhat sipas pikave 1 dhe 2 të këtij neni përfshihen brenda afateve të përcaktuara në nenin 4 të këtij ligji kur mjeku punësohet, në rast të kundërt pas përfundimit të tyre, konsiderohet i përmbushur detyrimi sipas përcaktimeve të këtij ligji dhe mjeku ka të drejtën të pajiset me diplomën përkatëse universitare.

4. Mënyra dhe procedura e punësimit me prioritet përcaktohet më udhëzim të përbashkët të ministrit përgjegjës për arsimin dhe ministrit përgjegjës për shëndetësinë.

### Neni 4

#### Dispozitë kalimtare

Ky ligj i shtrin efektet në periudhën nga viti akademik 2025-2026 deri në vitin akademik 2029-2030.

### Neni 5

#### Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

K R Y E T A R E

**Elisa SPIROPALI**



## RELACION

### PËR PROJEKTLIGJIN “PËR NJË SHITESË DHE DISA NDRYSHIME NË LIGJIN NR. 60/2023 “PËR TRAJTIMIN E VEÇANTË TË STUDENTËVE QË NDJEKIN PROGRAMIN E INTEGRUAR TË STUDIMIT TË CIKLIT TË DYTË “MJEKËSI E PËRGJITHSHME” NË INSTITUCIONET PUBLIKE TË ARSIMIT TË LARTË

#### I. QËLLIMI I PROJEKTAKTIT DHE OBJEKTIVAT QË SYNOHEN TË ARRIHEN

Qëllimi i këtij projektligji është plotësimi i vakumit ligjor të krijuar në ligjin nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e Përgjithshme” në institucionet publike të arsimit të lartë” nga vendimi nr. 1, datë 25.1.2024, të Gjykatës Kushtetuese i cili shfuqizoi fjalët “5 (pesë) vjet” në nenin 4, pika 1, shkronja “b”, “5-vjeçar” në nenin 4, pika 1, shkronja “c”, “3 (tre) vjet” në nenin 4, pika 2, shkronja “a”, “3-vjeçar” në nenin 4, pika 2, shkronja “b”, “2 (dy) vjet” në nenin 4, pika 3, shkronja “a”, “2-vjeçar” në nenin 4, pika 3, shkronja “b”, të ligjit nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e përgjithshme” në institucionet publike të arsimit të lartë”, si dhe konstatimin e ometimit ligjor në nenin 6 të ligjit nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e përgjithshme” në institucionet publike të arsimit të lartë” lidhur me mungesën e kriterëve objektive të punësimit me prioritet, trajtimin financiar në kuadër të sigurimit të mjeteve të nevojshme të jetesës, si dhe përlllogaritjen e pagesës së periudhës në pritje në kohëzgjatjen e detyrimit për punësim.

#### II. OBJEKTIVAT QË SYNOHEN TË ARRIHEN:

- Plotësimi i vakumit ligjor të krijuar nga shfuqizimi i fjalëve “5 (pesë) vjet” në nenin 4, pika 1, shkronja “b”, “5-vjeçar” në nenin 4, pika 1, shkronja “c”, “3 (tre) vjet” në nenin 4, pika 2, shkronja “a”, “3-vjeçar” në nenin 4, pika 2, shkronja “b”, “2 (dy) vjet” në nenin 4, pika 3, shkronja “a”, “2-vjeçar” në nenin 4, pika 3, shkronja “b”, të ligjit nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e përgjithshme” në institucionet publike të arsimit të lartë”.

-Plotësimi i vakuumit ligjor me konstatimin e ometimit ligjor në nenin 6 të ligjit nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e përgjithshme” në institucionet publike të arsimit të lartë”, lidhur me mungesën e kriterëve objektive të punësimit me prioritet, trajtimin financiar në kuadër të sigurimit të mjeteve të nevojshme të jetesës, si dhe përlllogaritjen e pagesës së periudhës në pritje në kohëzgjatjen e detyrimit për punësim.

- Sigurimi i zbatimit efektiv të vendimit nr.1/2024 të Gjykatës Kushtetuese, duke parashikuar dispozita të reja në përputhje me detyrat e lëna nga Gjykata Kushtetuese;



### III. ARGUMENTIMI I PROJEKTKLIGJIT LIDHUR ME PËRPARËSITË, PROBLEMATIKAT, EFEKTET E PRITSHME

Projektligji “Për një shtesë dhe disa ndryshime në ligjin nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e Përgjithshme” në institucionet publike të arsimit të lartë,” ka ardhur si nevojë e zbatimit të vendimit nr. 1 datë 25.1.2024 të Gjykatës Kushtetuese, e cila ka konsideruar se duhet të rishikohen afatet e përcaktuara në nenin 4 të ligjit nr. 60/2023 deri në një kufi jo më të gjatë se sa tre vjet. Po kështu, ligjvënësi duhet të rishikojë me qëllim që të garantojë parimin e proporcionalitetit të ndërhyrjes edhe afatet e tjera tre dhe dyvjeçare të përcaktuara respektivisht në pikën 2, shkronjat “a” dhe “b”, dhe pikën 3, shkronjat “a” dhe “b” të nenit 4 të ligjit nr. 60/2023.

Në këtë kuadër propozohen ndryshime në nenin 4 të ligjit nr. 60/2023 duke ulur afatet përkatësisht nga 5 vjet në 3 vjet për studentët e vitit të parë, nga 3 vjet në 2 vjet për studentët e vitit të dytë deri në të katërt dhe 1 vit për studentët e vitit të pestë dhe të gjashtë.

Po ashtu, Gjykata Kushtetuese ka konsideruar se duhet të plotësohet vakumi ligjor lidhur me punësimin e mjekëve dhe duhen garantuar të drejtat për trajtimin financiar në kuadër të sigurimit të mjeteve të nevojshme të jetesës, si dhe përlllogaritjen e pagesës së periudhës në pritje në kohëzgjatjen e detyrimit të tyre për të punuar. Për zbatimin e këtij konstatimi janë propozuar ndryshime në nenin 6 të ligjit, ku është përcaktuar edhe punësimi i mjekëve duke qartësuar procedurat dhe shtuar mundësitë për punësimin e tyre.

Në këtë aspekt është propozuar se studenti që përfundon programin e integruar të studimit të ciklit të dytë “Mjekësi e përgjithshme” në institucionet publike të arsimit të lartë dhe ka nënshkruar marrëveshje sipas përcaktimeve të këtij ligji, në momentin e lindjes së të drejtës për punësimin e tij, fillimisht ndiqen procedurat për t’u punësuar në institucionet shëndetësore sipas nevojave për mjekë të shpallura nga ministria përgjegjëse për shëndetësinë dhe përzgjedhja e vendeve të punës bëhet nga mjeku i licencuar, në bazë të renditjes sipas notës mesatare të përfundimit të studimeve.

Nëse punësimi nuk realizohet brenda 3 muajve nga ministria përgjegjëse për shëndetësinë për arsye objektive dhe për shkaqe që nuk varen nga mjeku, ai ka të drejtën e punësimit në institucionet shëndetësore jopublike.

Në kushtet kur ai ndodhet në pamundësi punësimi edhe në institucionet shëndetësore publike, me kërkesë të tij drejtuar ministrisë përgjegjëse për shëndetësinë, mjeku trajtohet me 80% të pagës së mjekut të përgjithshëm në kujdesin parësor, për një periudhë jo më të gjatë se ky afat, ose të zgjedhë të punësohet në institucionet shëndetësore jo publike në vend, duke njoftuar ministrinë përgjegjëse për shëndetësinë, si dhe duke ruajtur të drejtën për punësim prioritar brenda periudhës 9 (nëntë) mujore në institucionet shëndetësore publike.

Angazhimi sipas përcaktimeve më lart, do të përfshihet brenda afateve të përcaktuara në nenin 4 të këtij ligji kur mjeku punësohet, në rast të kundërt pas përfundimit të tyre, konsiderohet i



përbushur detyrimi sipas përcaktimeve të këtij ligji dhe mjeku ka të drejtën të pajiset me diplomën përkatëse universitare.

Mënyra dhe procedura e punësimit me prioritet përcaktohet më udhëzim të përbashkët të ministrit përgjegjës për arsimin dhe ministrit përgjegjës për shëndetësinë.

Po ashtu, është parashikuar që të përjashtohen nga zbatimi i të drejtave dhe detyrimeve sipas këtij ligji shtetasit jo shqiptarë, duke qenë se kryesisht studentët e huaj apo nga trojet kanë përcaktime të veçanta për regjistrimin e tyre në institucionet publike të arsimit të lartë në fushën e mjekësisë.

#### **IV. VLERËSIMI I LIGJSHMËRISË, KUSHTETUTSHMËRISË DHE HARMONIZIMI ME LEGJISLACIONIN NË FUQI VENDAS E NDËRKOMBËTAR**

Projektligji “Për një shtesë dhe disa ndryshime në ligjin nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e Përgjithshme” në institucionet publike të arsimit të lartë” propozohet në zbatim të neneve 81 dhe 83 të Kushtetutës, si dhe në zbatim të vendimit nr. 1, datë 25.1.2024 të Gjykatës Kushtetuese.

Ndryshimet dhe shtesa e propozuar në projektligj janë në përputhje me nenin 17 të Kushtetutës në të cilin parashikohet: “1. Kufizime të të drejtave dhe lirive të parashikuara në këtë Kushtetutë mund të vendosen vetëm me ligj për një interes publik ose për mbrojtjen e të drejtave të të tjerëve. Kufizimi duhet të jetë në përpjesëtim me gjendjen që e ka diktuar atë. 2. Këto kufizime nuk mund të cenojnë thelbin e lirive dhe të të drejtave dhe në asnjë rast nuk mund të tejkalojnë kufizimet e parashikuara në Konventën Evropiane për të Drejtat e Njeriut.” Me anë të këtij projektligji me uljen afatet përkatësisht nga 5 vjet në 3 vjet për studentët e vitit të parë, nga 3 vjet në 2 vjet për studentët e vitit të dytë deri në të katërt dhe 1 vit për studentët e vitit të pestë dhe i gjashtë, plotësohet jo vetëm kriteri i domosdoshmërisë, por dhe i përshtatshmërisë të masës duke bërë që dispozitat e projektligjit të plotësojnë testin e proporcionalitetit. Ndryshimet e propozuara në projektligj janë në përputhje edhe me objektivat e parashikuara në nenin 59 të Kushtetutës. Interesi publik për të garantuar plotësimin e nevojave për burime njerëzore në kryerjen e shërbimeve të shëndetit publik në institucionet shëndetësore në Republikën e Shqipërisë është mjaft i lartë, prandaj edhe dispozitat që përcillen përmes këtij projektligji janë hartuar në proporcion me nevojat e diktuar për përbushjen e këtij interesi të lartë publik, në zbatim edhe të dispozitivit të vendosur nga Gjykata Kushtetuese me vendimin nr.1/2024.

Ndryshimet e propozuara nuk cenojnë thelbin e së drejtës për arsim, pasi çdo kandidat/student që regjistrohet apo ndjek studimet në programet e studimit të ciklit të dytë në fushën e mjekësisë i garantohet, së pari, e drejta për arsim me plotësimin e kriterëve ligjore për ndjekjen e këtij programi studimi dhe, së dyti, ai ka të drejtën e zgjedhjes nëse do të përfitojë apo jo nga lehtësitë/përfitimet që krijohen përmes këtij projektligji, nëpërmjet zgjedhjes së tij për të nënshkruar apo jo një marrëveshje me ministrinë përgjegjëse për arsimin, ministrinë përgjegjëse për shëndetësinë dhe institucionin e arsimit të lartë publik.



Projektligji me plotësimin e vakumit ligjor në nenin 6 të ligjit nr. 60/2023, të konstatuar nga Gjykata Kushtetuese, garanton respektimin e të drejtave kushtetuese të parashikuar nga nenet 49, pika 1, dhe 57 të Kushtetutës, në drejtim të (i) kriterëve objektive të punësimit me prioritet, (ii) trajtimit financiar në kuadër të sigurimit të mjeteve të nevojshme të jetesës, (iii) përllogaritjes së pagesës së periudhës në pritje në kohëzgjatjen e detyrimit për punësim.

## V. VLERËSIMI I SHKALLËS SË PËRAFRIMIT ME ACQUIS COMMUNAUTAIRE (PËR PROJEKTAKTET NORMATIVE)

Projektligji “Për një shtesë dhe disa ndryshime në ligjin nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e Përgjithshme”, në institucionet publike të arsimit të lartë” nuk synon përafrimin me legjislacionin e Bashkimit Evropian (*aquis communautaire*).

## VI. PËRMBLEDHJE SHPJEGUESE E PËRMBAJTJES SË PROJEKTLIGJIT

Projektligji “Për një shtesë dhe disa ndryshime në ligjin nr. 60/2023 “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e Përgjithshme”, në institucionet publike të arsimit të lartë” është i strukturuar në 5 nene.

**Neni 1** i projektligjit, shton një togfjalës në nenin 1 të ligjit ku përcaktohet objekti, pas fjalëve “për trajtimin e studentëve” të shtohen fjalët “shtetas shqiptar”. Ky përcaktim ka për qëllim të përjashtojë nga zbatimi i të drejtave dhe detyrimeve sipas këtij ligji shtetasit joshqiptarë, duke qenë se kryesisht studentët e huaj apo nga Kosova, Maqedonia e Veriut, kanë përcaktime të veçanta për regjistrimin e tyre në institucionet publike të arsimit të lartë në fushën e mjekësisë.

**Neni 2** i projektligjit parashikon ndryshime në nenin 4 të ligjit nr. 60/2023 duke parashikuar që në nenin 4,

pika 1, shkronja “b”, fjalët “5 (pesë) vjet” të zëvendësohen me fjalët “3 (tre) vjet”.

pika 1, shkronja “c”, fjalët “5-vjeçar” të zëvendësohen me fjalët “3-vjeçar”.

pika 2, shkronja “a”, fjalët “3 (tre) vjet” të zëvendësohen me fjalët “2 (dy) vjet”.

pika 2, shkronja “b”, fjalët “3-vjeçar” të zëvendësohen me “2-vjeçar”.

pika 3, shkronja “a”, fjalët “2 (dy) vjet” të zëvendësohen me fjalët “1 (një) vit”.

pika 3, shkronja “b”, fjalët “2-vjeçar” të zëvendësohen me fjalët “1-vjeçar”.

**Neni 3** i projektligjit parashikon plotësimin e ometimit ligjor në nenin 6 të ligjit nr. 60/2023, “Për trajtimin e veçantë të studentëve që ndjekin programin e integruar të studimit të ciklit të dytë “Mjekësi e përgjithshme” në institucionet publike të arsimit të lartë”, mbi procedurat dhe kriteret objektive të punësimit me prioritet, trajtimin financiar në kuadër të sigurimit të mjeteve të nevojshme të jetesës, si dhe përllogaritjen e pagesës së periudhës në pritje në kohëzgjatjen e detyrimit për punësim. Konkretisht duke parashikuar riformulimin e nenit 6 si vijon:



Në pikën 1 përcaktohet se studenti që përfundon programin e integruar të studimit të ciklit të dytë “Mjekësi e përgjithshme” në institucionet publike të arsimit të lartë dhe ka nënshkruar marrëveshje sipas përcaktimeve të këtij ligji, në momentin e lindjes së të drejtës për punësimin e tij, ndiqen procedurat e mëposhtme:

a) punësohet në institucionet shëndetësore sipas nevojave për mjekë të shpallura nga ministria përgjegjëse për shëndetësinë dhe përzgjedhja e vendeve të punës bëhet nga mjeku i licencuar, në bazë të renditjes sipas notës mesatare të përfundimit të studimeve;

b) koha e kryerjes së procedurës për punësimin e mjekut nga ministria përgjegjëse për shëndetësinë është brenda 3 (tre) muajve nga momenti i lindjes së të drejtës për punësim.

Në pikën 2 përcaktohet se në rastet kur punësimi nuk realizohet brenda 3 (tre) muajve, për shkaqe që nuk varen nga mjeku, deri në krijimin e mundësisë për punësim në institucionet shëndetësore publike, për një periudhë deri në 9 (nëntë) muaj, mjeku i lind e drejta të trajtohet me 80% të pagës së mjekut të përgjithshëm në kujdesin parësor, për një periudhë jo më të gjatë se ky afat, ose të zgjedhë të punësohet në institucionet shëndetësore jo publike në vend, duke njoftuar ministrinë përgjegjëse për shëndetësinë, si dhe duke ruajtur të drejtën për punësim prioritar brenda periudhës 9 (nëntë) mujore në institucionet shëndetësore publike.

Në pikën 3 përcaktohet se periudhat sipas pikave 1 dhe 2 të këtij neni përfshihen brenda afateve të përcaktuara në nenin 4 të këtij ligji kur mjeku punësohet, në rast të kundërt pas përfundimit të tyre, konsiderohet i përmbushur detyrimi sipas përcaktimeve të këtij ligji dhe mjeku ka të drejtën të pajiset me diplomën përkatëse universitare.

Në pikën 4 autorizohen ministri përgjegjës për arsimin dhe ministri përgjegjës për shëndetësinë për të përcaktuar me udhëzim të përbashkët mënyrën dhe procedurat e punësimit me prioritet.

**Neni 4** i projektligjit parashikon dispozita kalimtare mbi shtrirjen e efekteve të dispozitave të këtij projektligjit, të cilat do të jenë nga viti akademik 2025-2026 deri në vitin akademik 2029-2030.

**Neni 5** i projektligjit parashikon hyrjen në fuqi të tij, duke përcaktuar se ky ligj hyn në fuqi 15 ditë pas botimit në Fletoren Zyrtare.

## **VII. INSTITUCIONET DHE ORGANET QË NGARKOHEN PËR ZBATIMIN E PROJEKTLIGJIT**

Për zbatimin e këtij projektligji ngarkohen Ministria e Arsimit dhe Sportit, Ministria e Shëndetësisë dhe Mbrojtjes Sociale dhe institucionet publike të arsimit të lartë.

## **VIII. RAPORTI I VLERËSIMIT TË TË ARDHURAVE DHE SHPENZIMEVE BUXHETORE**

Për të plotësuar vakumin ligjor të konstatuar nga Gjykata Kushtetuese lidhur me trajtimin financiar në kuadër të sigurimit të mjeteve të nevojshme të jetesës, si dhe përlllogaritjen e pagesës së periudhës në pritje në kohëzgjatjen e detyrimit për punësim është parashikuar, së



pari, detyrimi i ministrisë përgjegjëse për shëndetësinë për punësimin e mjekëve brenda 3 (tre) muajve pas licencimit sipas notës mesatare pa zhvilluar procedura konkurrimi. Po ashtu, është detajuar procedura që do të ndiqet për punësimin dhe angazhimin e mjekut ende të papunësuar për shkaqe që nuk varen prej tij. Përgjatë kësaj periudhe mjeku do të ketë të drejtën të trajtohet me 80% të pagës së mjekut të përgjithshëm në kujdesin parësor, për një periudhë jo më të gjatë

se ky afat, ose të zgjedhë të punësohet në institucionet shëndetësore jo publike në vend, duke njoftuar ministrinë përgjegjëse për shëndetësinë, si dhe duke ruajtur të drejtën për punësim prioritar brenda periudhës 9 (nëntë) mujore në institucionet shëndetësore publike.

Ndikimet ekonomike të parashikuara nga Ministria e Shëndetësisë dhe Mbrojtjes Sociale janë sa vijon:

Skenari i parë, nëse të gjithë mjekët pranojnë të nënshkruajnë kontratën me Ministrinë e Shëndetësisë dhe Mbrojtjes Sociale dhe nuk do të punësohet asnjë në sistemin shëndetësor publik, efekti financiar do të ishte 1540 mjekë me pagë sa 80% e pagës së mjekut të përgjithshëm në Kujdesin Parësor x 9 muaj paga e mjekut të familjes aktualisht 105,500 lekë/ muaj pa përfshirë vjetërsinë në punë. Me VKM e re të pagave që pritet të miratohet, paga e mjekut të familjes shkon 124,000 lekë/ muaj, pa përfshirë vjetërsinë në punë, 80% e të cilës kap vlerën 99,200 lekë. Efekti për 5 vitet e ardhshme parashikohet në shumën prej 1,374,912,000 lekë/ i ndarë në pesë vite sa vijon.

Për mjekët që kanë filluar studimet në vitin akademik 2020-2021, dhe që përfundojnë ciklin e plotë të studimeve në vitin 2025, nëse nuk punësohen brenda periudhës 9-mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 260 mjekë x 9 muaj = 232,128,000 lekë;

Për mjekët që kanë filluar studimet në vitin akademik 2021-2022, dhe që përfundojnë ciklin e plotë të studimeve në vitin 2026, nëse nuk punësohen brenda periudhës 9-mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 260 mjekë x 9 muaj = 232,128,000 lekë;

Për mjekët që kanë filluar studimet në vitin akademik 2022-2023, dhe që përfundojnë ciklin e plotë të studimeve në vitin 2027, nëse nuk punësohen brenda periudhës 9-mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 360 mjekë x 9 muaj = 321,408,000 lekë;

Për mjekët që kanë filluar studimet në vitin akademik 2023-2024, dhe që përfundojnë ciklin e plotë të studimeve në vitin 2028, nëse nuk punësohen brenda periudhës 9 mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 360 mjekë x 9 muaj = 357,120,000 lekë;

Skenari i dytë dhe më i mundshëm, aktualisht vetëm në shërbimin e kujdesit parësor ka 250 vende vakant për mjek familje/ mjek të përgjithshëm dhe 111 të tjera me shtyrje pensioni. Deri



në vitin 2029 pritet të mbushin moshën për pension edhe 204 mjekë të tjerë, pra për periudhë 2024-2029 sistemi publik shëndetësor ka nevojë për të paktën 565 mjekë të përgjithshëm. Nëse do të llogaritet efekti financiar për periudhën nga momenti i licencimit deri në fillimin e marrëdhënieve të punës maksimalisht 2-3 muaj, efektet financiare të parashikuara do të jenë 1540 mjekë me pagë 99,200 lekë /muaji x 3 muaj = 305,536,000 lekë/ i ndarë në 5 vite;

Për mjekët që kanë filluar studimet në vitin akademik 2019-2020 dhe që pritet të përfundojnë ciklin e plotë të studimeve në vitin 2024, nëse nuk punësohen brenda periudhës 3-mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 260 mjekë x 2 muaj = 51,584,000 lekë;

Për mjekët që kanë filluar studimet në vitin akademik 2020-2021, dhe që përfundojnë ciklin e plotë të studimeve në vitin 2025, nëse nuk punësohen brenda periudhës 3-mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 260 mjekë x 2 muaj = 51,584,000 lekë;

Për mjekët që kanë filluar studimet në vitin akademik 2021-2022, dhe që përfundojnë ciklin e plotë të studimeve në vitin 2026, nëse nuk punësohen brenda periudhës 3-mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 260 mjekë x 2 muaj = 51,584,000 lekë;

Për mjekët që kanë filluar studimet në vitin akademik 2022-2023, dhe që përfundojnë ciklin e plotë të studimeve në vitin 2027, nëse nuk punësohen brenda periudhës 3-mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 360 mjekë x 3 muaj = 71,424,000 lekë;

Për mjekët që kanë filluar studimet në vitin akademik 2023-2024, dhe që përfundojnë ciklin e plotë të studimeve në vitin 2028, nëse nuk punësohen brenda periudhës 3-mujore, parashikohet që për këtë periudhë të përfitojnë 80% të pagës mesatare të mjekut të familjes 124,000 lekë, për muaj 99.200/muaj x 360 mjekë x 2 muaj = 79,360,000 lekë;

Sqarojmë se kostot financiare që shoqërojnë ndryshimet e parashikuara në projektligj, do të konsiderohen nga Ministria e Shëndetësisë dhe Mbrojtjes Sociale për t'u përfshirë brenda tavaneve buxhetore gjatë procesit të përgatitjes së PBA 2025-2027, faza e dytë për hartimin e projektbuxhetit të periudhës afatmesme 2025-2027.

#### DEPUTETET PROPOZUES

Florentina Buzhica



Etilda

Oponej

Ermonela

Vukaj

(Felix)



